

HASiL/2026/08/10 – 41

**MEMPERKASA PENDIDIKAN, MEMBINA MASA HADAPAN:
HASiL LAKSANA PROGRAM SEKOLAH ANGKAT MADANI 2026**

Komitmen Lembaga Hasil Dalam Negeri Malaysia (HASiL) dalam menyokong pembangunan pendidikan negara terus dizahirkan menerusi pelaksanaan **Program Sekolah Angkat MADANI (SAM) 2026** di Sekolah Kebangsaan (SK) Kuala Perlis.

Sebagai agensi pelaksana, HASiL telah menerima peruntukan sebanyak RM100,000.00 bagi penambahbaikan kemudahan pembelajaran digital, pengukuhan kompetensi warga sekolah serta peningkatan prasarana sedia ada bagi menyokong pengalaman pendidikan yang lebih moden, inklusif dan berimpak kepada murid serta guru.

Program Sekolah Angkat MADANI merupakan inisiatif nasional yang diterajui oleh Kementerian Kewangan bagi memperkasa jaringan kerjasama strategik antara kerajaan, syarikat berkaitan kerajaan (GLC), sektor swasta dan institusi pendidikan dalam usaha mengurangkan jurang pendidikan serta meningkatkan akses kepada kemudahan pembelajaran berkualiti.

Majlis perasmian telah disempurnakan oleh YBhg. Dato' Shaharrudy Othman, Timbalan Ketua Pegawai Eksekutif (Pematuhan) HASiL di SK Kuala Perlis.

Dalam ucapannya, Dato' Shaharrudy Othman berkata pembangunan pendidikan merupakan tanggungjawab bersama yang memerlukan sokongan berterusan daripada pelbagai pihak bagi memastikan generasi muda dilengkapi dengan ilmu, kemahiran dan nilai yang diperlukan untuk menghadapi cabaran masa hadapan.

Menurut beliau, Program SAM bukan sekadar mendukung aspirasi kerajaan, malah membuktikan peranan HASiL dalam menyumbang kepada pembangunan masyarakat melalui usaha memperkasa kemudahan pendidikan serta menyokong keperluan pembelajaran komuniti sekolah.

Melalui inisiatif ini, HASiL berharap agar sokongan yang diberikan dapat memberi manfaat kepada warga SK Kuala Perlis, khususnya dalam memperkasa proses pembelajaran serta membantu melahirkan generasi yang berilmu, berintegriti, bertanggungjawab dan berdaya saing selaras dengan aspirasi Malaysia MADANI.

Turut hadir ialah YBrs. Encik Mohd Nazri Baharin, Timbalan Pengarah Pendidikan (Pembelajaran), Jabatan Pendidikan Negeri Perlis; YBrs. Encik Shahrul Niza Bishahrin, Pengarah Jabatan Khidmat Korporat HASiL; YBrs. Encik Mazlan bin Abu Bakar, Guru Besar SK Kuala Perlis; YBrs. Encik Mohd Affendi Ayub, Pengarah Negeri HASiL Perlis; Encik Badrul Azmi Abdul Rahman, Timbalan Pengarah Pendidikan (Sektor Pengurusan Sekolah), Jabatan Pendidikan Negeri Perlis; YBrs. Encik Anuar

Abidin; Yang Dipertua Persatuan Ibu Bapa dan Guru (PIBG) SK Kuala Perlis serta tetamu jemputan.

Untuk rekod, Program SAM merupakan inisiatif kemasyarakatan kedua yang dilaksanakan oleh HASiL di negeri Perlis sepanjang tahun 2026. Sebelum ini, HASiL telah menganjurkan Program Tanggungjawab Sosial Korporat (CSR) Sentuhan HASiL Prihatin 2026 di Kampung Seberang Ramai, Kuala Perlis pada 7 Februari 2026.

Inisiatif ini diharapkan dapat membuka lebih banyak ruang pembelajaran yang bermakna kepada murid dan guru, sekali gus menyokong pembentukan generasi yang bersedia menghadapi cabaran di masa hadapan.

Sebarang pertanyaan serta maklum balas, sila hubungi kami menerusi:

- a) Hasil Contact Centre (HCC) di talian 03-8911 1000 / 603-8911 1000 (Luar Negara);
- b) HASiL Live Chat; dan
- c) Borang Maklum Balas di portal rasmi HASiL di pautan pantas <https://maklumbalaspelanggan.hasil.gov.my/Public/>

SEKIAN, TERIMA KASIH.

MEMACU EKOSISTEM
CUKAPINTAR

Dikeluarkan oleh:

Jabatan Khidmat Korporat

Lembaga Hasil Dalam Negeri Malaysia

Hasil Contact Centre: 03-8911 1000 / 603-8911 1000 (luar negara)

Portal Rasmi : www.hasil.gov.my

Tarikh: 10 Ogos 2026

LAMPIRAN



YBhg. Dato' Shaharrudy Othman, Timbalan Ketua Pegawai Eksekutif (Pematuhan) HASiL menyampaikan ucapan perasmian Program Sekolah Angkat MADANI HASiL 2026.



Gimik perasmian sebagai simbolik pelancaran Program Sekolah Angkat MADANI HASiL.



Penyempurnaan plak perasmian Program Sekolah Angkat MADANI sebagai tanda komitmen HASiL terhadap pembangunan pendidikan di Sekolah Kebangsaan Kuala Perlis.



TKPE (Pematuhan) HASiL bergambar kenang-kenangan bersama dengan pihak pengurusan, barisan pendidik dan murid-murid SK Kuala Perlis.